

याम्फु भाषामा लोक कथाहरु

Folklore Stories in Yamphu Language

याम्फु भाषाका कथाहरु

Folklore Stories in Yamphu Language

पहिलो संस्कारण

भदौ २०६८

प्रति - ५०

बिषय सूची

भूमिका.....	3
१) काक्चिक्पानुड् महोड्मा.....	4
२) चिक्चिबुनुड् याक्फेक्.....	6
३) चेन्डा.....	7
४) नाम्नुड् फेड्लु?वा हाघे?पाआ.....	9
५) पोप्पाड् सोडा.....	10
६) येसामा नुड् खोम्सेड्मा.....	11
७) साक् सेहे.....	13
८) साम्बा.....	14
९) सुबिक् सोडा.....	17
१०) स्यालनुड् स्यालनि.....	19
११) इक्को ठाप्पामि रिबाड् मे?नामि पासाजि.....	22

भूमिका

यस 'याम्फु भाषामा लोक कथाहरू' शीर्षकको यो सानो पुस्तिका याम्फु साथीहरू लगायत सहजकर्ताहरूको सल्लाहको आधारमा लेखेका छौं । यसमा याम्फु जातिहरूमा प्रचलित लोक र अन्य कथाहरू संकलन गरी यो सानो पुस्तिका तयार पारेका छौं । अनि यसको साथ साथै भाषा लेखन शैलीलाई सहज वा सरल बनाई भाषा शुद्धतामा निखार ल्याउनको लागि कोशीस गरेका छौं । त्यसैले यो सानो कथाको पुस्तिकाले सबै याम्फुको भाषा प्रतिको चाहना र जिज्ञास प्रति केही हद सम्म सहयोग पुग्नेछ भन्ने आशा छ । एवम् यहाँहरूको सुझाव, सल्लाह र सहयोग निरन्तरता रहने छ भन्ने पनि आशा राखेका छौं ।

यस कथाहरूमा समेटिएका यो पुस्तिका लेखन र तयार गर्नमा सहयोग पुऱ्याउनु हुने सम्पूर्ण याम्फु भाषीहरू र सहजकर्ताहरू प्रति धन्यवादी छौं ।

धन्यवाद !

काक्चरिक्पानुङ् महोङ्मा

काक्चरिक्पामि मामानुङ् निसा टुसाजि ॥ इक्याक् खोमी मामा किसानो?
कासाङ् नाम्बुला खाडा ॥ मोबाङ् सानुङ् निसारे?नो लिटाजि ॥ इक्याक्
महोङ्मानुङ् सानुङ् निसा चुप्मि?चि ॥ महोङ्मामि इक्को मे?नामि पासा टुउटा ॥
मो सानुङ् निसासो महोङ्मानुङ् पेम्बुइच्चि ॥ इडोक् पेम्डिङ्माबे? इक्सेन्डा
खोमि निसा महोङ्मानुङ् इम्डटा ॥ माक्मिक् पुक्नुङ् खोसे? के?ए निसा हाम्टे
खडे महोङ्मा सिम्डटु महोङ्माडे? लुसु योडा टे?सि? खे?एटे ॥

मोबाङ् मो सेन्डानो? महोङ्माडे? केए निसा चाबेटुवे लुनुङ्
काक्चरिक्पाडे? लेडोक्टु ॥ मोबाङ् महोङ्माडे? काक्चरिक्पासो बे?लोखेप्
चामायोगु, खो चेन्दुबा लेटेसे? मान्चाटोगु ॥ मोबाङ् इक्याक् महोङ्माडे? खोम्
पासा लुसु का योम्बोक्बि? खेएडे हेने? काक्चरिक्पा से?नुङ् मोमि सानुङ् चामा
नियुक्सोउ लुनुङ् खाडा ॥ मो खा काक्चरिक्पाडे? खेम्बेसु ॥ मोबाङ् खोसे?
महोङ्मि पासा से?नुङ् सा चामा डियुङ्नुङ् महोङ्मामि पासामि चे? चाङ्नुङ्
पेना ॥

चैबानो? इछ्छो? एकसाङ् महोङ्मा लेन्नुङ् सा चामा चाबोगु ॥ चाडेक्सि?
पोरोक्माबे? माहोङ्माडे? खोम् पासामि सा लुनुङ् लेडोक्नुङ् महोङ्माडे?
काक्चरिक्पा खाङ्साङ् लुसु हागो हेङ् के? मान्जारे? ले?नानिबा लुनुङ् यिक्पुगु ॥
काक्चरिक्पा याक्लोनो? पोरोक्पेबाआसे? सेम्जासाङ् पोम्बि?-पोम्बि? पिम्बुगा ॥

इडोक् पिम्मा-पिम्माबे? चुप्सि? पोरोगु मोबाड् खोसे? टाड्जिरेम्बा राप्पेट्टु,
मो टाड्जिरेम्बा बे?ए नाम्बुला लिसा ॥ मोबाड् महोड्मा मोबि? फाड्सि
खे?माबि? खो ओ: चि?खेटा ॥ मोबाड् इछ्छो? एक्साड् चुप्सि? पोरोक्माबे?
खोसे? खिबाआ वाइड् राप्पेट्टु ॥ मोबाड् मो वाइड्बा इक्को बे?ए होड्मा
लिनुड् मो होड्माडे? महोड्मा यिखेट्टु ॥ इडोक् काक्चिरिक्पा महोड्माडे?
मान्चाडोक्कु ॥

चिक्चिबुनुङ् याक्फेक्

याक्लोए खा ॥ चिक्चिबुनुङ् याक्फेक् नि?पाङ्?नो? राङ्?मि? वेन्जा लेटाजि ॥
इक्?याक्?मि खा याक्फेक्?नुङ् चिक्चिबु चुप्नुङ् खाङ्?घुसे?चुचि ॥ मोबाङ्?
याक्फेक्?डे? चिक्चिबु बे?लो?नो? नेन्जाबाआसे? बिहा ले?मा मिङ्?इटा ॥ मोगे?से?
इक्?याक् याक्फेक् मेखुवा याङ्?नुङ् चिक्चिबुमि खिम् खेएटा ॥

मोबि? खे?नुङ् चिक्चिबुमि पाबा-मामा चुप्नुङ् लु:टु, का याक्फेक् हेनिङ्?मि
पासा चिक्चिबु के? नेन्जाटुडे ॥ मोसे?नो आई का चिक्चिबु डाक्सि? लेङ्?इटिडे
लु:टु ॥ मोबाङ् चिक्चिबुमि पाबा-मामाडे? चिक्चिबु के?नुङ् याक्फेक्?मि खा
इबे?टुजि ॥ चिक्चिबुडे? याक्फेक् खाङ्?साङ् लुसु, हेने?को का नेन्जासिङ् के?
को हेङ् मेनेन्जासुङ् लुसु ॥ मोबाङ् याक्फेक् निवा टुकसाङ् खोमि खिम् टेखेटा ॥

बैसाखराजि इक्?याक् चिक्चिबु नाम्बुला वाइजासि? खेएटा ॥ मोक्पे?को
नाम्बुलाबे काम्नुमानुङ् याक्फेक् सेम्बुङ् फेक्पाआ चिक्चिबुडे? खाङ्?डोइटु
चिक्चिबु बे?लो?नो? हेक्हेक् मिना ॥ मोबाङ् चिक्चिबु खे?नुङ् उक्खुबाबे? आम्नुङ्
सिघेटा ॥ मोडोगे?से? आयुसो चिक्चिबु हैखाबि?बाङ् बे?लो उक्खुबाबे? के?पाआ
खाङ्?डोइये ॥

चेन्डा

ठाप्पामि इक्को पासा, नाम्मिनुड् याड्मेन् टुसा ॥ इडो? ठाप्पा बे?लोनो?
ठाप्पा लिड्टा ॥ मोबाड् खोम् पासा नाम्मिडे?सो चि?चि मिम्बुगुजि ॥ मोबाड्
इक्याक् पासानुड् नाम्मि पेन्नुड् खोम पाबामि खा इबु?इचि ॥ निप्पाड्-नो?
कायाजि हागो कानिमि पाबा बे?लो ठा?पा लिसा खोम्ताड्-बा इमासो लेचाहेनि ॥
इन्डोक् ले?मासो निनिड् सुम्निड्-रे?नो हिड्-इ इक्याक्को सिघेएनो इमा ले?मे
लुनुड् मोट्टा इच्चि ॥

निप्पाड्-नो कासाजि वागिया माक्मिसेल्लाम् पाबा चेन्डाबि? एन्नुड् मि:ये
याक्फुबा राप्यामा ॥ पासा नाम्मि निप्पाड्-नो लो कासाजि ॥ चैबानो? वागिया
माक्मि? पासा नाम्मि निप्पाड्-नो? पुक्नुड् पासाडे? खोम् ठाप्पा पाबा चेन्डाबे?
एन्नुड् खिबोक्सिपोरोक्माबे? खोम् याड्-मेन्डे? खाड्-डोईट्टु मोबाड् खोम् पाबा
सिप्सु पा?पा हाम्बि? याड्-घेन्डुवे ॥ खोम पाबाडे? लुसु पा?पा वाईजासि?
याड्-घेमामि ॥ याड्-मेन्डे? लुसु कासोड् खेएडे मोबाड् याड्-मेन्सो खाडा ॥

एडे? मे?योड् इक्को याक्फुबे रूक्नुड् खोम्बे? पा?पा ना:सु ॥ खोम्
पाबाडे? पा?पा वाईसि? ने?नि राप्सि ला?पाआ लुनुड् याड्-मेन्डे? लेडोक्नुड्
खोम् पाबा लुसु पाबा इगो चेन्डा आराप्पेसो का पाप्मिये ॥ खोम् पाबाडे? लुसु
इन्डोड् हेड् पा?मिये ॥ पासाडे? लुसु वागिया, सिड्-आ हेड्-सो ठाप्पा लियेम्बे?
के?सोड् इडोक्नो राप्सि ला?माबे? का पा?मिये ॥

खोम् पासामि इडोकमा खा खेम्नुड् पाबामि निवामि मिक् हेना ॥ मोबाड्
खोसे? निवाबे? मिट्टु के? आई केए पाबा राबुड्ःहोड् वागिया केए पासे?सो
इडोकनो? राप्मिलेः लुनुड् खोम पाबा टेआप्नुड् नुरोक् कुसु ॥ मोबाड् खोम् पासे?
लुसु पाबा के?सो हेन् इडोकनो नुरोक् कुन्नेयौ ॥ इडोक् पासामि खाडे? चेन्डामि
याम्बो रूक्खाडा पाबामि निवा हेना ॥

नाम्नुङ् फेङ्लु? वा हाघे? पाआ

बे?लो याक्लोए खा ॥ नाम्नुङ् फेङ्लु?वा वेन्जा-राङ्मि? लेटाजि ॥ मोजि
सारो नेन्जाखुसे? चुसाजि ॥ मोबाङ् मोजिमि रूबि? बिहा लिटा ॥ बिहा ले?नुङ्
नाम्डे? फेङ्लु?वा खोमि खिम् नाम्नुङ्माबे? चि?खेटु ॥ मोबाङ् फेङ्लु?वा
नाम्मि खिम्बि? पेम्बुगा ॥ इडो? इक्याक्, नियाक्, सुम्याक्, ले?साङ् बे?लो याक्
लिटा ॥ फेङ्लु?वा बे?लोनो योक्पिजिजि लिङ्गटा ॥ खो बे?लोनो? निङ्बेबुगारो ॥
खो खोमि पाबा-मामामि खिम्बिरेनो? ठे?पुगारो ॥

इडोक्पे? इक्याक् नाम्ने?नो नाम्बा-नाम्मा चुप्सि? खोम्ताङ्बा लेङ्गटा ॥
मोबाङ् खिम् टेमाबे? खोम्नाम्मे? खोम्नाम्मे?इक्को एडेम्मा ढोङ्रोबे? नुरोक्
हि?माराङ्गे? हिप्नुङ् पासा पिमेयो लुनुङ् नाम् पिहाङ्गु ॥ माराम्बे?
खे?मेनिङ्गसिमाबे? खोसे? मो ढुङ्रो हेन्नुङ् खाङ्मा मिट्टु मोबाङ् एङ्गे? मे?योङ्
रूक्नुङ् हेन्नुङ् खोसे? खाङ्माबि?को मोबि? किस्सिमारो चिक्चिमिम्मारोमा
नाउरे?पा पुजिक् टुउटा इडोक् नाम् खिम् रुगु ॥ नाम्डे? फेङ्लु?वा नाउरे?पा
चाये लुनुङ् लेडोक्कु ॥

मोबाङ् नाम्डे? खोम् ठा?मा फेङ्लु?वा नाउरे?पा चायाङ् लुनुङ् सिच्चाबुगु
मोबाङ् खोम् ठा?मा फेङ्लु?वा खोम् पाबामि खिम्नो? टेहाक्सु ॥ मोबाङ्
फेङ्लु?वा हाप्साङ् खिम् टेखाडारो ॥ इडोक्नो? नाम्नुङ् फेङ्लु?वा हाखाडाजिरो
॥ मोडोगे?से? आईसोङ् नाम् के?माबि? नुङ् नाम् टे?माबे? फेङ्लु?वा नाम्
खाङ्साङ् सोम्दु?वा मिन्नुङ् हाप्मिये ॥

पोप्पाङ् सोडा

इक्को पोप्पाङ् सोडामि खा ॥ याक्लो इक्को आडानुङ् येस्सा टुसाजि ॥ सँधै
सानुङ् आडा चेन्डा खिनुङ् नाङ्खि टोसि? नाम्बुलाबे? खाडाजि ॥ जहिलेसोङ्
आडा नाङ्खि टोबुगा खोम् आडाङ्गे? टोबाआ बे?हानुङ् नुबा नाङ्खि खोम्
येस्साङ्गे? इगोसो केए, मोसो केए लुसाङ् युङ्बेसु ॥ इक्क्याक्मि खा लेल्ले टोबाआ
नाङ्खि बे?लो लिबाआ लेटा ॥ नुबानुङ् बे?हा नाङ्खि खोम् येस्साङ्गे? से?पेबाआ
लेटा ॥

मोबाङ् युडा खिम् टेमा याक्लो आडाङ्गे? येस्सा हेङ् इगो चेन्डाबे? पे:युघै
लुसु ॥ मोबाङ् येस्साङ्गे? इन्टोङ्ङे आडा लुसु ॥ आडाङ्गे? लुसु आइ नाङ्खि
बे?लो टोचुङ्गे मोडोगे?से? नाङ्खि वाङ्ङुन्डे वाङ्ङि लेडोकमामि लुसु ॥ चैबानो?
येस्सा चेन्डाबे? पे:युसा ॥ मोबाङ् खोम् आडाङ्गे? चान्डो-चान्डो चेन्डामि
याबुकपे? हिक्नुङ् इक्को सिङ्बु डाङ्बे? किङ्एन्डु ॥

मोबाङ् खोम् आडा मो येस्साङ्गे? से?पाआ चोप् नाङ्खि खिनुङ् खिम्
खे?पुइटा ॥ येस्सा आडा-आडा कासो खेएङ्गे, कासो चि?खेङ्गेडी कासाङ् वोसा ॥
खोम् आडाङ्गे? मायाङ्गे?टु ॥ मो येस्सा वोमे? वोमे? मोबि?नो? सिघेटा ॥
मोबाङ् मो येस्सानो? पो?पाङ् सोडा लिबाआरो ॥ चैबानो? मो सोडा आइसो
निङ्बेमारो पोप्पाङ्-पोप्पाङ् वा काक्को-काक्को कासाङ् नाम्बुलाबे? का?ये ॥

येसामा नुङ् खोम्सेङ्मा

इक्को येसामा टुसा ॥ खोमि मामामि चिनु इक्को यासुबारे?नो? टुसा ॥ मो यासुबासो इक्याक् खोमि सेङ्माडे? चेन्जामा खे?ये लुसु ॥ मोबाङ् खो लेन्दा यासुबा कढाम्बे? बे?लोनो? हाबा ॥ मो खाङ्डोनुङ् यासुबाडे? लुसु इन्डोङ् हाप्मिये ॥ मोबाङ् येसामाडे? लुसु हागो केए सेङ्माडे? वागिया हेङ्सो चेन्जाबेये केए मामामि चिनो हेङ्रे?नो टुसे लुसु ॥

यासुबाडे? लुसु योङ्मित्ते चेन्जामेट्ते ॥ हेङ् चाहि ओ:नो? पेने खोजिडे? चानुङ् राप्बेबाआ से?को?वा सुम्नुङ् हेने? नेन्जाबाआ थलोबे? हुप्से लुसु ॥ येसामाडे? मोडोकनो? लेटु, हुम्बाआ नियाक् एक्साङ् मो थलोबे?को इक्को टुम्बाआ सुन्तला डाङ् खाङ्डोक्टु ॥ मोबाङ् खोसे? सेङ्माडे? चामा मे?म्बिमाबे? मोनो? एच्चासु ॥

मोसो इक्याक् खोम्सेमाङ्डे? लेडोकनुङ् येसामामि सुन्तला डाङ् हिङ्नुङ् लुसु ॥ मोडोगेसे? येसामा सुन्तला राङ्बे? पेङ्नुङ् हाबा ॥ मो सुन्तला डाङ्डे? इन्डोङ्डे हाप्मिये लुसु ॥ येसामाडे? लुसु हागो केए सेङ्माडे? हेङ्सो सिङ् टोङ्इरो का इमाङ्डे चामे केए सेङ्माडे? चामानो? पिनिबा ॥ मोबाङ् सुन्तला डाङ्डे? लुसु हिच्चामेटे ॥

हेङ्चाहि का हि?माबे? केक्पे? आप्पेने ॥ खोजिडे? हि?नुङ् एम्बाआ कोइलानुङ् खरानि सुम्नुङ् हेने? नेन्जाबाआ थलोबे? हुप्से लुसु ॥ येसामाडे? मोडोकनो? लेटु ॥ मोबि?को इक्को सुनामि बे?ए रिङ्मि केपाआ मोबिए हाङ्बाडे? खाङ्डोक्टु ॥ मो रिङ्मि हाङ्बाडे? साक्खाक्सु खोसे? मासाक्हेसु ॥

मोबाङ् हैखा बे?हा या?मिडे?सो मासाक्हेहेसुजि ॥ मोबाङ् हाङ्बाडे? लुसु
इगो सुनामि रिङ्मि आसे? साक्हेहेडुवे मोनो? केए पासानुङ् बिहे ले?पेनुडे लुसु ॥
मो खेम्नुङ् मोबि? बे?लो या?मिजि सुम्नुङ् साक्खाक्सुजि आसे?सो मासाक्हेहेसुजि
॥ मोबाङ् हाङ्बाडे? लुसुजि आसासो माआम्मि ॥ मो येसामागो चोपडे? हेला
लेपाआसे? आसे?सो माङ्खाक्सुजि ॥ खो कुम्मे निङ्सिडा मोडोकपे? मान्त्रिडे?
खाङ्डो?नुङ् लुसु ॥

हेङ् इमान्डे लेये आबे हेने?सो साक्खाई लुसु ॥ मो खेम्मा सोरोक्नो? खोम्
सेङ्माडे? लुसु आक्कोसे? साक्हेसुनि खाक्सानुमेन्डि सिघे?सि पोराइटे ॥ मोबाङ्
खोम्पासा के?नुङ् साक्मे?टु, खोमि पासाडे? साक्खाक्सु ॥

मोबाङ् हाङ्बाडे? येसामा लुसु हेने?सो साक्खाई नानि येसामा खे?नुङ्
इडोक सुबुरो मोडोकपे?नो साक्खाडारो मोबाङ् चोप् साप्थाक्साङ्, हाङ्बाडे? खोमि
पासानुङ् येसामामि बिहे लेपेटुजि ॥ खोम् सेङ्मामि निवा हि?नुङ् सिघाडा येसामा
मोबिए हाङ्मा लिसा ॥

साक् सेहे

इगो या?लोए चैबानो?मा खा लेये ॥ इगो पुर्बाबिए संखुवा सभा जिल्लामि
नुमबि सिइये ॥ मो नुममि बे?लो मि?मु इक्को बे?ए होड?मा टुये मो अरुण लुन्डेजे
मोबि? इक्को दोभान टु:ये ॥ मोमि मे?एरेड् गाडिनुड् हेदाड्ना सिइये मोबाड्
मिन्डु मिन्डु बे?लो थलो टुहा ॥ मोबाड् साम्बा गाउं लिसाड् चिनसो रूइन्डे ॥

मो माराम् राम्मा बे?लोनो? छा?ईये ॥ याक्लोगो इक्को नि?चि खिम् चुप्मासो
बे?लोनो? छाक्टा ॥ इक्याक्मि खा मोडोकनो? चिन रूक्नुड् इक्को या?मि टेमे?
निड्सिमाबे? बे?लो याक् लिघे?पाआ लेटा ॥ खोसे? इमासो मान्जाडोकटु
हाम्बि?सो इन्जाढाम् मा?आडा ॥ पापुरा मोडो?नो? याप्चे? राप्सा ॥ इन्डोक याक्
इमासो मान्जारे? राप्सा ॥

मोबाड् गाडिबा युराम् उड्नुड् अरुण होड्माबे? योड्साड्-योड्साड्
खे?नुड् योडा उड्नुड् फेरि से?साड्-से?साड् सड्याक् साक्स ॥ मोबाड्गो राम्सो
माराम् हेसा याप्चे? होम्फाक्साड् सिमले चौताराबाड् एडे? मेटोड् इक्को
रूमउक्बे? पेना ॥ मोबि?सो इमासो मान्जाटोगु साघे? केन्साड्-केन्साड् मो
रूमउक्बे?नो? सिघाडा ॥ हागोसो दोभानमि मेटोड् मो रूमउक् टु:ये ॥

साम्बा

इक्को साम्बा टुसा ॥ इक्याक् चेन्डा खिनुड् चामाया योक्सि? खे?मेनिड्:सिडारो ॥ मोडोकपे?नो इक्को या?मि खोसे? चुप्पा या?मिजि सिम्साड्: राम्मे निड्:सिबाआ चुप्पिटु ॥ खोमि खा आसे?सो मेखेमएटुजि ॥ मोबाड्: साम्बा चुप्नुड्: मो या?मिडे? सिम्डटु वावा खेप्सेना के? इक्को राड्:मि? नेन्जानुडे ॥

के? हेड्: नेन्जान्ने लुबाआगो खोसे?को पुबाड्:डो?मा नजिक् लेखुबानुड्: आसा बिहे लेयेरे लुसिड्: ॥ लुसेना वावा केए नजिक् पुबाड्:मिन्डोकनो लेये ॥ मोबाड्: साम्बाडे? खाड्:नुड्: लुसु आसे? लुसे हेने? नजिक् पुबाड्:मिडो? लेये ॥ इक्कोसो ले?नि पुबाड्:चाहिं हेड्:डोकनो लेए लुसु ॥ मोबाड्: साम्बा खिम्टेमामि खे?मेनिड्:सिमाबे? माराम्बे बिकिम सा चुप्पिटु ॥ मोबाड्: खोसे?सो मो बिक् सा चेन्डाबे? एन्नुड्: खिघे?टु ॥

माराम्बे? येजाड्:जिडे? चुप्नुड्: सिप्सुजि हेने? इमाड्: खिबाआ ॥ साम्बाडे? लुसु चेन्डा खिबाआ ॥ येजाड्:जिडे? लुसुजि चेन्डा होड्:सि?यु इमान्डे टुहा साम्बाडे? लुसु सा खिबाआ ॥ इमाड्:मि साडे साम्बा येरिड्:जिडे? सिप्सुजि साम्बाडे? लुसु बिकिम सा ॥ इमाड्:ले?नुड्: खिबाआ लुसुजि साम्बाडे? लुसु ताबेडे? चेन्नुड्: ॥ मोबाड्: बिक् चेड्:घुबा लुनुड्: रा:प्खे?टुजि ॥ साम्बाडे? लुसु का ले?माजि केए खिम्बे? ठा?मा कुम्सुमा टुये ॥

येजाङ्जिडे? से?खे?नुङ् ठानाबे? सेक्टिसुजि ॥ मोबाङ् आसे?टे? हेङ् बिक्
चेम्मा लुसे लुसाङ् रोप्सुजि ॥ मोबाङ् साम्बाडे? लुसु सिघे?पाआ बिक्मि सा
ताबेडे? मान्चेन्नुङ् इमा केङ्डे?टे खेम्मे लुसु ॥ मोबाङ् येरिङ्जिडे? लुसुजि
आसिनो? सिघे?पाआ बिक् चेम्बाआ लुमा पाप्निबा लुनुङ् लेडुजि ॥

सुबिक् सोडा

याक्लोए खा ॥ इक्को ठाप्पानुड् ठा?मामि सुबिक् निड् लेखुबा इक्को पासा टुसा ॥ इक्याक्मि खा ठा?पानुड् ठा?माडे? योक्चे?पाआ एड्.ए?वा खोजिमि पासा सुबिक् उमेटुजि ॥ उमाबेक्को एड्.ए?वा हेनुड् एडे?वा पि?खे?टा ॥ मोबाड् युडा पाबानुड् मामा लेन्नुड् खाड्.माबेक्को एड्.ए?वा एदे?वा लिबाआ खाड्.डोइच्चु ॥

मोबाड् खोम पासा लुसाजि हेने? कानिड्.डे? इद्रे?लो दुःख ले?नुड् योक्चे?पाआ एड्.ए?वा हाजासु लुनुड् योप्साड् मोगुजि ॥ मोबाड् वागियाराम्सो मोडो?नो? एड्.ए?वा उनुड् सुबिक् वाप्मेसुजि ॥ मो युदासोड् लेन्नुड् खाड्.माबेक्को एड्.ए?वा एडे?वारे?नो टुसा ॥

मोबाड् बे?लोनो? सुरि? पुइच्चि, हेड् सिमिसि कानिडे इन्डोक् होप्टि?वानुड् योक्चेपाआ एड्.ए?वा खिम् पेन्नुड् हाजाखुबा लुनुड् ओ:बेए या?मिजिनुड् इन्जानुड् पाक्बेसुजि ॥ मोबाड् मो पासा सुबिक् हाप्साड्-हाप्साड् खाडा ॥

ठाप्पानुड् ठा?मा सप्थाड्.मानुड् मो लेन्डासो एड्.ए?वा योक्स? खाडाजि ॥ लेल्ले योक्चे?नुड् वागियाराम् नि?पाड्.नो? एड्.ए?वा उसाड् खिमबि? पेड्.इच्चि ॥ लेल्ले उमाबिक्को एड्.ए?वा उनुड् युडा इक्माबिक्को एडे?वा पिखे?टा ॥ मोबाड्.रे? खोजिडे? लेडोक्टुजि कानिड्.मि सुबिक् पासाडे?को एड्.ए?वा हाजाबाआ ने?निबा लेए ॥

एङ्ए?वानो? उमाबे? हेघे?नुङ् एङे?वा लिबाआ लेए लुनुङ् लेसुजि ॥
मोबाङ् खोजि हाप्पुगाजि, खोम् मामा बे?लोनो? हाप्साङ् सुबिक् सुबिक् कानुङ्
पासा योक्पुगु ॥ इडोक् खोम् मामा सुबिक् सुबिक् कासाङ् वाइसा इडोक्नो खोम्
मामा सुबिक्वा सोडा लिसा ॥ मो सोडा आइसो एङ्ए?वा के?माबे? खोमि
पासाबे? निङ्बेमानुङ् सुबिक्-सुबिक् काये ॥

स्यालनुङ् स्यालनि

इक्को नाम्बुलाबे? स्यालनुङ् स्यालनि पेनाजि ॥ स्यालनि कुम्सुमा लिसि? पोरोक्पाआ लेटा ॥ खोजि पेम्बाआ नाम्बुलाबे? चामा रु?खे?आपाडे? हैके नाम्बुलाबे? खाडाजि ॥ मो नाम्बुला माःक्सामि माराम् सिट्टे ॥ हैखाराजि खे?मा नाम् कि?खे?पाआ लेटा ॥ मोबाङ् स्यालडे? खोम् ठप्पा लुसु इगो माःक्सा माराम् सिइये ॥

हागो माःक्सा लेन्सि?पोरोइटे लुसु ॥ ठप्पाडे? लुसु इमाङ्डे ले? मे कागो रामानो? राम्हेडनि रुङ्मासो बे?लो टुकपोगा ॥ इडोक् लुमे? निङ्सिमाबे? खोजिमि नि?पाङ् पासाजिसो लिसा ॥ मोबाङ् ठप्पा बे?लोनो? किसिसा इमाङ् ले?मे-ले?मे पिक्खाडा ॥ ठप्पाडे? लुसु एक्किसिने के? इमाङ् ले?मे लुन्ने मोडोक्नो लेटे ॥ मोडोक् लुडिङ्माबे? मिम्मेबा माःक्सा वोसाङ् वोसाङ् लेम्बेसा ॥

मोबाङ् चान्डो चान्डो ठप्पा मिन्डु पाङ्नुङ् ठा?मा ठप्पा रेङ्नुङ् लुसु ॥ ए ठा?मा ठप्पाडे? होः लुसु इगो सिबाङ् माःक्सासो हाम्बे? सिसा-सिसा इबे? का साघे? सिसि?पोरोइटिडे लेङ्होङ्गो हिसो मेन्सेरे?नो? उम्बानो? चाबेनुडे लुसु ॥ ठप्पाडे? लुसु एः हेने?रे?नो? आच्चाबेसौ कासो इगोबे? साघे? सिघे?सि पोरोक्इटिडे, लो लेन्रे?नो? लेम्मेटेन लुसु ॥ माःक्साडे? खेम्डोक्नुङ् होसिक्डो? चायिङ्गाडा आयुगो इमाङ्डे इगोबि? लेङ्इटे हाँ का बाङ्सो बे?ए का चासि? लुनुङ् चिडा ॥

वागिया ठाप्पाडे? लुसु आयुसो इमाड् ले?मे कानिड्मि पासाजिसो ओडे?नो?
लेम्मे चुप्होड्गो इक्को मे?निड् चाबेये ॥ मोबाड् मिम्मेम्बा माःक्सा मोहाजि
खे?प्पेसेना टुम्मे लुसाड् किसिमानुड् के?मे? निड्सिडा ॥ मो खा ठा?माडे?
लेडोक्नुड् ठाप्पा लुसु ॥

एः ठाप्पा इगो माःक्सासो हाम्बि? खाडा खाडा आसे?डाबा हुड्बाआ आयुसो
लेन्निबाजारा आडे? मे?मोड् खाड्सि? खे?खाई लुसु ॥ मो खा खेम्नुड्गो माःक्सा
सोक्मानो? मे?निड् चायिड्खाडा मोबाड् पिन्साड् कागो एडे?वे? चाबेसामि
लुसाड् चिडा ॥

मो खा इक्को पुबाड्डे? लेडोक्नुड् माःक्सा लुसु ॥ मोडोक्पे? पुबाड्नुड्
माःक्सा लाड्गाम् ले?टाजि ॥ ए माःक्सा वावा हेड् इन्डोड्डे किस्सिये आक्कोबे?
टुबाआगो स्यालनुड् स्यालानिमि एडेम्मा-एडेम्मा पासाजिगोरे ॥ मोडोघे?से?
आक्खाजिडे? बे?एम्मा रेड्बाआरे?नो लुसु, माःक्साडे? लुसु ने?नि होला हेने?
रेम्दे?पाआ ने?नि ॥ ने?निने?नि खाड्सिक् खे?खाना लुसु माःक्सा किसिमे? खे?मा
माड्खासिसा ॥ के? याड्घे?न्ने लुनुड् खोजिमि मिरा-मिरा हिंक्नुड् पुबाड् पोम्बे?-
पोम्बे? राप्सा ॥

मो खासो ठा?माडे? लेडोक्नुड् ठा?पा लुसु ॥ ए ठाप्पा इगो सिबाड् पुबाड्सो
इन्डोक् यागा-यागा, निच्चि मुन्डा पिनुड् रेम्देनुड् माःक्सा याड्सिक् पाड्बाआ
सिबाड् हाम्बे? सिसा सिसा लुसु ॥ मो खेम्डोक्नुड्गो माःक्सामि हिसो रेड्घाडा
मोबाड् उख्खुबा, होड्मा, सिड्बुसो मालुरे? युराम् युराम् आम्साड् चिडा ॥

मोबाङ् बे?लोनो? ओः रुक्नुङ् इक्को रुम्उक्पे? नानुङ् बे?एम्मा सोक्मा
सासाङ् एडि?वे? आइगो चाबेसा इगो सिबाङ् पुबाङ्? चैबानो? रेम्टेडिडे लेए ॥
ने?नि फेरि आप्मेनिङ्-सिङ्-मेन्डे लुनुङ् इडोक् एङ्-गुवाराम् हिङ्-घे?माबे?को
सिङ्-बुबा, याक्फुबा, आम्माबे? पुबाङ्-गो सिघे?पेटा ॥

खोमि याब्रे?वासो सिम्घे?नुङ् केङ्-रे?नो? उर्थि ले?मालुङ् काङ्-सिबाआ लेटा
॥ एः हेङ् सिबाङ् पुबाङ् का निच्चि मुन्डाबे? इन्जानुङ् हागोसो यिचाये लुनुङ्
इक्खे? नाम्देङ्-बे? फेगु मोबाङ् माज्याक्मुरुक् ले?नुङ् चोबेसु ॥
मोडोक्एम्बाङ्-नो? माःक्साडे? पुबाङ् चुण्टुहोङ् चोबेन्डुरो ॥

इक्को ठाप्पामि रिबाड् मे?नामि पासाजि

इक्को ठाप्पामि रिबाड् मे?नामि पासाजि टुसामि ॥ टुम्मि माःक्सानुड्, सरूम्मा गिबानुड्, याड्सारूम्मा पुसे?नुड्, सेः?मा आड्लि?वानुड् बिहे लेपाआ लेटामि ॥ मोबाड् इक्याक् ठाप्पा टुम्मिमि खिम्बे? खाडा माकसाडे? खोम् ठा?मा लुसु ॥ पाबा लेड्-इटा हेड् चामा डिडिक्से पाबानुड् काजिड् सा योक्सि? खेएन्जिड् लुसु ॥

युदा नमामकि?खे?नुड् इक्को खिम्बे? खाडाजि मोबे? सो?खुमा सो?खुमा मोमि सोड्बे? यासुबा खोरा टुसा ॥ मोबाड् माकसाडे? खोम् नाम्बा लुसु पाबा हेड् राम्बे? पेने केए होड्सि?युरा बेएम्मा यासुबा पिनुडे हेने? मो, सोखुमा सोक्पे? राम्मे लुसु ॥ खोम्नाम्बे? मोडो?नो लेटु मोबाड् खिम्बे? याड्आप्नुड् नुरो? टोड्नुड् पाबा हिंङ्हाक्सुजि ॥ मोबाड् ठाप्पा खोमि खिम् लेन्नुड् खोम्ठा?मा लुबे?टु ॥

मोबाड् ठाप्पाडे? लुसु, हेनेक्को चाडोगु के?को हाम्बि टोक्मे लुसु ॥ ठाप्पाडे? लसु के? हिंङ्ङनुडे लुनुड् लेन्दा आसाबे? बे?हा यासुबाजि टुम्मि लुनुड् वाइसा ॥ युदा ठाप्पा चि?नुड् खाडा ठाप्पा लुसु, हेड् मारामबे? पेने के? होड्सियुरा चायिबाआ यासुबा पिन्ने हेने? सोखुमा सोक्पे? राम्मेयो लुसु ॥ मोबाड् ठाप्पा खोरा होड्सि?यु खाडा ॥ मो या?मि टुटा या?मिडे? ठाप्पा राप्नुड् राप्मिटु ठाप्पाडे? यासुबा लुनुड् चान्डो राप्नुड् सोखुमा सोक्पे? राबु ॥

इछ्छो?पे?को अथो-अथो सिसिड्यो वोसा मोबाड् मो खिम्बिहा चोपडे? खेम्नुड् खुसुबाड् लुनुड् सिघे?लो रेगुजि ॥ मोबाड् याप्वे? खिम्बे? खे?नुड् सिदा ले?नुड् एट्रवा नुबुगा ॥ मोबाड् सरूम्मा पासालुड् माकसाबे? खाडा ॥ पाबा ले?इटा लुनुड् सप्थाड्नुड् पेम्मेटुजि ॥ मोबाड् गिबा माकसाडे? खोम् ठा?मा लुसु ॥ हेड्

सिया वाडाप्नु खाप्मि टोड्नुड् काराई कुडि?से ॥ पाबानुड् का चारेपा रेण्ठाम् केवा याड्सि? खेएन्जिडे लुनुड् सनुड्नाम्बा खाडाजि ॥ मोबाड् गिबा वो साड् खाडा मो खेम्नुड् चोप या?मिजि चि?खाडामि ॥ गिबा केवायुड्ढाम्बे? हुम्युसा मोबाड् चान्डो खिम्बे? रुक्नुड् कुबाआ कारा इबे? पे?युसा काराइ इ?ठुप् केवा लिसा ॥ मोबाड् चारेपा रेप्नुड् पाबा हिक्सुजि ॥ ठाप्पा खिम्बे? टेआप्नुड् खोम्ठाप्पा इबे?टु ॥ खोसेसो मोडो?नो? लेटु ॥

ठाप्पा काराई कुमेनुड् खो गिबाडो? वोसाड् टुबाआबे? खाडा या?मिजि मेन्चिडामि युडा नाम्किखे?नुड् केवायुड्ढाम्बे? पे?युनुड् यिगा एद्रवा केवा सिटिखाडा ॥ मोबाड् चान्डो-चान्डो खिम्बे? रुक्नुड् ठाप्पाडे? कुडिड्बाआ कारा ईबे? पे?युसा ॥ मोबाड् गो कुये काराइडे? एम्माबि?को रे?टिक्टो खाडा ॥ ठाम्पाडे? याप्चे? सेआप?टु मोडोकपे? हे?वाया लिघे?पेबाआ लेटा ॥

मोबाड् आट्रे?वा नुबो?नुड् याड्सरूम्मा पासा माक्सबे? खाडा ॥ पाबा लेड्इटा आइ चामासो माआ खे?मा के? वाईमाराप्मिने लुनुड् इक्को होड्?याबा आक्खामा होड्सि?यु नुबा थलोबे? वाईमा राप्टु ॥ मोबाड् खिम्बे? आप्नुड् ठा?मा खोसे?सो वाईसि? चि?खे?टु ॥ इक्को होड्?या खाड्?डो?नुड् लुसु इगोबे? पेखेडे केए सारड्बे? राप्पो लुसु ॥

मोबाड् पेखाडा इक्छो?पे? निन्डावा हाप्टिखाडा ठाम्पा का चान्डो से?मे लुसु ॥ ठाम्पाडे? याप्चे? से?आप्टु निन्डावा, रे?खाडा नजिकपे?सो हुवा पि?खेटा ॥ ठाम्पाडे? लुसु हेने? इडो?क्नो? लेये लुनुड् खिम्चि?टु ॥

मोबाङ् हागो केए सेःडेमा पासा माक्साबे? खाडा ॥ पाबा लेन्ड्टा लुनुङ्
वाइसि? चेक्चेक्माबे? याङ्घे?नुङ् पाबा केए एङ्गुवाबे? साक्से लुनुङ् आङ्लि-
आङ्लि कासाङ् थान्सरिड?टु वाईमेटु ॥ मोबाङ् खिमबे? लेन्नुङ् ठाप्पा लुसु कागो
माक्साडे? थान्सरि वाइसि? याङ्घे?टिङ् लुसु ॥ ठाम्माडे? लुसु हेङ्गो वाईटा
कागो कासे?टे वाईमेये मोबाङ् ठाप्पाडे? लुसु ॥

के? याङ्घेन्ने लुनुङ् खोसे?सो माक्सडे?डो?नो इक्को चेक्चेक्माबे?
याङ्घे?नुङ् केए एङ्गुवाबे? साक्से लुनुङ् आङ्लि?आङ्लि कानुङ् पेबुइटा
पेमाबे?को मि?मु होङ्माबे? हे?युघे:चि निप्पाङ्नो? सिघे?चि ॥